

ԿԱՐԾԻՔ

Վերոնիկա Աշոտի Թորոսյանի «Եվրասիականատության ռուսական և թուրքական հայեցակարգերը, համեմատական վերլուծություն» թեմայով թեկնածուական ատենախոսության վերաբերյալ

Գաղափարախոսությունները և դրանց առավել մշակաված տարբերակները մշտապես կարևոր դեր են խաղացաել քաղաքական գործընթացներում, պետությունների արտաքին ու ներքին քաղաքականության, պետություն-հասարակություն հարաբերությունների և տարբեր այլ ոլորտներում: Սակայն գաղափարախոսությունները նաև ենթարկվում են վերաթնդրումների, փոփոխությունների, ռեբրենդինգի և հատկապես 21-րդ դարում այս երևույթները առավել քան ակնառու են: Մինևույն ժամանակ, տեղի են ունենում որոշակի գաղափարախոսությունների ազդեցության եվազում, սիմվոլիկ գոյություն և ի վերջո, քաղաքական ասպարեզից հեռացում:

Ներկայացված ատենախոսությունը նվիրված է ներկայումս ակտիվ տեսական և գործնական քննարկումների, կիրառման, փորձարկումների փուլում գտնվող եվրասիականությանը: Ընդ որում, ատենախոսը իրականացրել է համեմատական վերլուծություն՝ դիտարկելով ռուսական և թուրքական եվրասիականությունները: Մեր կարծիքով, ատենախոսության համար ընտրված թեման իր բնույթով նոր է, ունի արդիական, ինչպես նաև կիրառական բազմաոլորտ նշանակություն: Նկատենք նաև, որ թեման բավականին բարդ է և ատենախոսին հաջողվել է իրականացնել գիտականորեն հիմնավորված և տրամաբանական հստակ շղթայի մեջ գտնվող աշխատանք:

Ատենախոսության երեք գլուխներից առաջինում տրվում է եվրասիականության ձևավորման հիմքերն ու զարգացման փուլերը՝ բնականաբար կենտրոնանալով այդ գաղափարախոսության ռուսական և թուրքական տարբերակների վրա: Երկրորդ գլխում ատենախոսը հանգամանալից քննել է եվրասիականության հայեցակարգերի հիմնական հատկանիշները թուրքական և ռուսական իրականություններում: Գովելի է, որ հստակ անդրադարձ կա քաղաքական աշխարհագրությանը: Բավական ուշագրավ են ազգայնականության և եվրասիականության հարաբերակացության խնդրի քննությունը, կրոնի դերի շուրջ դիտարկումները: Երրորդ գլխում քննության են առնվել եվրասիականության գաղափարների գործածումը Ռուսաստանի և Թուրքիայի տարածաշրջանային ինտեգրացիոն նախագծերում երկու կառույցների՝ ԵՏՄ-ի ու ԹՊԿ-ի օրինակով: Գլխի վերջին ենթագլուխը նվիրված է ռուս-թուրքական հարաբերություններին, բայց

եվրասիականության դիտանկյունից: Վերջում ներկայացված են եզրակացությունները և բազմալեզու ու տպավորիչ օգտագործված աղբյուրների և գրականության ցանկը:


Ցանկանում ենք նշել, որ ատենախոսը հստակ և տրամաբանված է ներկայացրել թեմայի արդիականությունը, աշխատանքի նպատակներն ու խնդիրները, ինչպես նաև ժամանակագրական սահմանները: Ատենախոսությունը նաև աչքի է ընկնում ինքնուրույնությամբ և գրագետ շարադրանքով:

Աշխատանքի հետ կապված ունենք որոշ դիտարկումներ և առաջարկներ.

1. Չնայած որ թեման ենթադրում է եվրասիականության տեսաբանների աշխատություններին համակողմանի անդրադարձներ, սակայն երբեմն բավական շատ է տեղ տրված տարբեր մասնագետների տեսական աշխատանքների, նրանց հայացքների ներկայացմանը, իսկ ատենախոսի գնահատականները կամ բացակայում են, կամ ավելի սուվերում են:
2. Ցանկալի կլիներ, որպեսզի ատենախոսը անդրադարձ աներ նաև Ալեքսանդր Դուգինի տարբեր տեսական հայացքների և կանխատեսումների չիրականացմանը, տալալմանը: Ի դեպ, վերջերս հենց Դուգինն է հանդես եկել խոստովանությամբ, որ իր որոշակի թեզեր և կանխատեսումներ, փաստորեն, սխալ են:
3. Ատենախոսության մեջ թուրքական եվրասիականության մասին խոսելիս՝ բնականաբար շատ են հիշատակվում Դոդու Փերինչեքը և նրա որդի Մեհմեթ Փերինչեքը: Սակայն, ցանկալի կլիներ նաև գոնե հպանցիկ անդրադարձ կատարվեր նրանց կերպարին: Մասնավորապես՝ Դոդու Փերինչեքը երկար տասնամյակներ թուրքիայում ընկալվում է որպես ոչ միանշանակ կերպար, տարատեսակ իրադարձությունների մեջ, մեղմ ասած, կասկածելի պահվածքով ու ներգրավվածությամբ, իսկ Մեհմեթ Փերինչեքը համարվում է Հայոց ցեղասպանության փաստի դեմ ամենակտիվ գործունեություն ծավալողներից մեկը, որն իր ուսումնասիրությունների մի մասն, ի դեպ, իրականացրել է Ռուսաստանում և ռուսական արխիվային փաստաթղթերի հիման վրա:
4. Ատենախոսության մեջ հանդիպում է «Հյուսիսային Կիպրոսի թուրքական Հանրապետություն» եզրույթը, սակայն չի նշվում դրա չճանաչված լինելը, կամ կարելի էր այդ անվանումը վերցնել չափերտների մեջ:

5. Աշխատանքում հանդիպում են եզակի թվով վրիպակներ /Էջ 122/, ոչ հաջող ձևակերպումներ /Էջ 121/, կամ օտար լեզուներից ուղիղ թարգմանություններ /Էջ 67/

Նշված դիտարկումները, սակայն, բացարձակապես չեն ազդում աշխատանքի ընդհանուր բնույթի վրա. այն իրականացված է գիտական պատշաճ մակարդակով, արդիական է և պարունակում է գիտական նորույթ: Թեմայի վերաբերյալ ատենախոսի հրապարակված հոդվածները և սեղմագիրը արտացոլում են աշխատանքի դրույթները: Ատենախոսությունը համապատասխանում է ՀՀ ԲԿԳ կոմիտեի պահանջներին, իսկ ատենախոսը՝ Վերոնիկա Աշոտի Թորոսյանը արժանի է իր հայրցած պատմական գիտությունների թեկնածուի գիտական աստիճանի՝ Է.00.02 «Համաշխարհային պատմություն» մասնագիտությամբ:



Պաշտոնական ընդդիմախոս
պատմական գիտությունների դոկտոր, պրոֆեսոր
Ռուբեն Հովհաննեսի Մելքոնյան

02.07.2026 թ.

Ռուբեն Մելքոնյանի ստորագրությունը հաստատում եմ:

Եղջ գիտարտուղար Բ.Գ.Թ. Դրոբեև Մ. Հովհաննիսյան

